



Adventure Kids Curacao
Foundation

Buki di informashon

2025



ADVENTURE KIDS AFTERSCHOOL CLUB
Enriching After-School Care for Every Child!



Kontenido:

Prólogo:.....	3
Mishon, Vishon i Pilarnan di guia:	4
Organisashon:	6
Nos organisashon:.....	6
Nos tim:	6
Populashon di klientenan:	6
Gruponan i nivel den enseñansa:	6
Nos manera di traha, struktura di siman i regla:	7
Aktivitatnan struktural durante di siman:	7
Aktivitatnan adishonal:.....	7
Reglanan pa mayor:	8
Tabla di multa i di prèis:.....	10
Kiko e muchanan mester?	10
Maneho special:	11
Maneho den kaso di malesanan kontagioso:.....	11
Maneho di guia di tarea:	11
Maneho di kaso di kalamidat (Tormenta, Kalor ekstremo, Black out i kandela):.....	12
Maneho di tarifa special:	13
Palabra Final!.....	14
Adventure Kids Afterschool Club is.....	15



Prólogo:

Bon Bini na nos sentro di guia despues di skol (BSO)! E foyeto di informashon aki ta destiná pa duna mayornan i dunadónan di kuido un bista kla di kiko nos ta hasi, kon nos ta traha i kiko bo por spera di nos.

Nos sentro di guia despues di skol ta enfoká riba un ambiente seif, estimulante i agradabel kaminda muchanan por hunga, relahá i desaroyá mas despues di skol. Nos tim ta komprometé tur dia na ofresé aktividatnan ku ta kuadra ku interes i nesesidatnan di e muchanan, sea ta trata deporte, kreatividad, edukashon òf simplemente dibertí huntú.

Den e buki aki bo ta haña informashon práktiko tokante nos métodoan di trabou, orario di apertura, regla i guianan, i tambe nos polítika pedagógiko. Nos ta kere ku ta importante pa traha huntú ku mayornan i ta spera ku e buki aki lo yuda pa haña un bista kla di nos kuido di mucha. Si bo tin kualke pregunta, semper nos ta kla pa kontestá nan.

Nos ta spera di por pasa dushi ku abo i bo yu(nan) na e sentro di kuido despues di skol!

Atentamente,

Adventure Kids Afterschool Club



Mishon, Vishon i Pilarnan di guia:

Mishon di Adventure Kids Curacao Foundation:

Adventure Kids Curaçao Foundation su mishon ta pa guia mucha i hóbennan den nan kresementu, tantu di forma kognitivo, ekspresivo komo deportivo, pa medio di aktividatnan inspirativo i edukativo. A base di balornan kristian manera amor, rèspèt i perseveransia, nos ke yuda nan konstruí un fundeshi sólido pa un futuro yen di speransa, pa nan por hasi eskohonan positivo i kontribuí na un sosiedat sigur i harmonioso.

Vishon di Adventure Kids Curacao Foundation:

Nos ta kere ku kada mucha ta úniko i balioso, kreá den e imágen di Dios, ku talento i potensial pa floresé. Nos vishon ta pa krea un ambiente seif i nutritivo kaminda mucha i hóbennan ta wòrdu enkurashá pa siña, eksplorá i krese den fe, karakter i abilidadnan. Pa medio di deporte, kreativitat i edukashon, nos ta proveé nan ku e hèrmèntnan pa superá opstákulonnan i ta un influensia positivo den nan komunidatnan.

Meta prinsipal Adventure Kids Afterschool Club 2025-2026:

E meta principal di Adventure Kids Afterschool Club ta pa brinda mucha y hobennan un ambiente sigur, edukativo y inspirativo den kual nan por desaroya na un manera holistiko.

Pa medio di aktividatnan orientá riba tema nos ta traha riba e kresementu kognitivo, sosial, emoshonal, físiko i spiritual di e muchanan, basá riba balornan Kristian. Nos meta ta pa guia nan den:

- **Konsientisashon propio i kuido propio:** Siña tokante nan kurpa, emoshonnan i personalidat pa promové konfiansa propio i un estilo di bida saludabel.
- **Habilidadnan di bida i responsabilidad:** Haña konosementu tokante finansa, polítika, komunikashon i karera pa ta bon prepará pa futuro.
- **Enbolbimentu kultural i sosial:** Desaroyá un sentido fuerte di identidat i konekshon ku nan pais, historia i kultura.
- **Norma i balornan kristian:** Tuma rèspèt, amor i integridat komo guia den nan bida personal i sosial.



ADVENTURE KIDS AFTERSCHOOL CLUB
Enriching After-School Care for Every Child!

Buki di informashon pa mayornan

Afterschool by Adventure Kids Curacao Foundation

Vershon 2025

Ku e enfoke amplio aki nos no solamente kier preveni kriminalidad hubenil, pero tambe ekipa e hobennan ku e konosementu, abilidad y atitut korekto pa hasi eskohonan positive i kontribui na un sociedad fuerte i harmonioso.



Organisashon:

Nos organisashon:

Adventure Kids Curacao Foundation a keda lantá na aña 2016 den forma di un plan di vakashon. Despues di esei, nos a sigui hasi proyektonan pa mucha I na 2021 nos a inisiá ku un “Kids Club” riba djasabra. Na 2022, nos a start ku nos sentro di guia despues di skol na P.L.Brionschool I despues muda pa Emmy Bertholdschool.

Nos tim:

Nos tim ta konsistí di diferente hende ku ta traha tur dia di nobo ku amor I dedikashon pa nos muchanan. Kuminsando for di e trahadó administrativo I kaba na e kòki ku ta kushina tur dia pa e muchanan.

Bo ke sa ken tur ta forma parti di nos tim? **[PRIMI AKI!]**

Populashon di klientenan:

E muchanan di Adventure Kids Afterschool Club, ta muchanan ku ta bishita skolnan regular di fundeshi o di skolnan spesial. Edatnan ta entre 4 aña I mas grandi 14 aña. Nos muchanan por ta muchanan ku indikashonnan leve, por ehèmpel autismo, ADHD o djis levemente desabilitá mentalmente.

Entre nos muchanan nos tin tambe muchanan ku problemanan social-emoshonal I tambe sosial-emoshonal.

Gruponan I nivel den enseñansa:

Nos ta purba pa duna tur mucha guia na nan nivel, pesei nos a krea gruponan chikí pa asina e muchanan por risibí guia di tarea I aktivitat na un nivel ku e por desaroyá den djé.

Grupo na Opvang	Grupo na skol	Grupo Huiswerkbegeleiding
A	1-2	N/A
B	3-4	HWB 1
C	5-6	HWB 2
D	7-8	HWB 3
N/A	Edukashon Spesial	HWB 4



Nos manera di traha, struktura di siman i regla:

Aktivitatnan struktural durante di siman:

Durante di siman e muchanan tin diferente aktivitat ku nan lidernan ta plania pa hasi ku nan, esakinan por ta:

- Obra di man (Pintamentu, kòrtamentu i plak).
- Drama i baile.
- Wegá i deporte.
- Spèlnan di mesa.
- Aktivitatnan di desaroyo sosial emoshonal.

Tambe riba tur djaluna nos tin Asamblea General, kaminda nos ta habri siman ku e muchanan i duna nan un bista riba loke tin ta wardanan, repasá reglanan i evaluá kosnan ku a pasa den siman promé. Tambe nos ta usa e momentu aki pa traha riba e sentido di patriotismo di e muchanan, dor di kanta himno i tambe papia riba topikonan aktual den nos komunidad.

Riba tur djamars i djaweps nos ta tuma tempu pa e muchanan por lesa. Esaki ta den e proyekto di “Samen Lezen” (Lesa huntú). E proyekto aki ta kana huntú ku My Book Buddy ku ta un proyekto pa stimula muchanan rònt mundu pa lesa.

Aktivitatnan adishonal:

Dependiendo di nos supsidio, nos muchanan por disfruta di algun aktivitat adishonal. Esakinan por ta:

- Lès di musika.
- Salida pa lugánan relatá na nos tema i hopi mas.



Reglanan pa mayor:

- Idioma di nos sentro di guia despues di skol ta Papiamentu. Durante di guia di tarea nos lidernan ta papia hulandes ku e muchanan pa asina nan por klimatiza ku e idioma. Durante di aktividatnan rekreativo, e muchanan ta klimatiza ku e idioma hulandes dor di kantika i rimanan.
- Nos ta baiendo den direkshon digital. Pesei nos ta bai hasi menos uso di papel! Esaki ta nifiká ku:
 - Mayornan ta risibí un kuenta di Clasdojo pa asina por komunika (chat) ku lider di e mucha(nan) | tambe risibí informashonnan importante di nos sentro di guia despues di skol.
 - Mayornan mester duna un email valido durante di inskripshon di e yu.
 - Mayornan mester duna numbernan di telefon ku ta funkshoná sin what'sapp.
- Nos aktividatnan ta termina 17:30 (Mitar di 6). Nos ta pidi mayornan pa buska e yunan pa mas tardá 17:45 (Kuartu pa 6).
 - Mayornan ku yega lat | ku no avisá, lo risibí un multa.
 - Montante di multa den tabel ku ta sigui abou!
- Si e yu hasi aña e port rese un trit. Pero esaki no tin mag di ta mangelnan duru.
 - Nos ta suplika mayornan pa palabra ku e lider di grupo tokante e selebrashon di e yu su hasimentu di aña adelantá.
- No duna e muchanan artikulonnan di balor pa bini ku n'e. Nos no ta para responsabel pa esakinan.
- Sòru pa tur kos di e yu ta marká!
 - Esaki ta su üniform, tas, mea etc.
- Nos sentro di guia tin un üniform! Sòru pa tur dia e mucha tin esaki huntu ku n'e pa e bisti.
 - Nos no ta para responsabel pa üniformnan ku pèrdè | o ku no ta marká.
 - Nos üniformnan lo ta disponible segun pedido. Porfavor tuma kontakto ku maneho pa por hasi pedido.
- Pa aktividatnan manera Pasku, Seú, San-Nikolas etc., nos sa pidi mayornan un kontribuishon chikitu. Esaki nos lo manda via di un karta ofisial den nos sistema digital.
- Mayornan ta entregá kopia di karchi di seguro di e muchanan. Muchanan ku no tin un Seguro mediko, lo keda sigurá ku un Seguro di aksidente pa e oranan ku e ta serka nos pa un montante adishonal.
 - Pa montante por wak e tabel athunto.



- Pago ku keda hasí despues di fecha di vensementu di faktura, ta trese un multa adishonal ku n'e.
 - Por wak e montante di multa den tabel athunto.
 - Si despues di dia 2 siman e pago no keda hasí, e yu lo no por keda bishitá nos sentro di guia despues di skol.
- Mayornan ta respetá su mes l otornan!
- No ta pèrmití pa mayornan regla kuenta ku otronan o ku muchanan ni tampoko lidernan.
 - Si bo tin un problema ku a sosode den kurá di nos sentro, aserká maneho.
 - Mayornan ku falta ku e regla aki, lo pone ku e yu lo no por bini nos sentro di guia mas l nos lo tuma pasonan legal kontra di e mayornan.
- Si tin kualke problema ku un lider, mayor mester aserká maneho ku esaki.
 - Nos lo sòru pa traha un sita pa asina papia riba e problema l yega na un solushon.
- Na momentu ku bini pa buska e muchanan, mayornan mester baha for di outo!
 - Si un otro hende ku no ta konosí serka nos mester bin buska e mucha, mayornan mester informá nos adelantá. Tambe mayor mester manda un forma di identifikashon di e persona l e mester por indentifiká su mes ku e mesun kos.
- Semper warda bo komprobante di pago. Si un dia nos Sistema tin un fayó, abo semper por prueba ku bo a hasi e pago.
 - Pagonan online l cash lo keda prosená entre djaweps l djabièrnè. Mayornan lo risibi den mail un prueba di pago ofisial di nos programa di zoho.
 - Fakturanan ta Sali pa mas tardá dia 26 di tur luna. Mayornan mester hasi pago promé ku dia 2 di kada luna!
 - Si mayornan no por kumpli ku pago na tempu, mayornan lo mester laga maneho sa di esaki adelantá, ya asina por yega na un akuerdo.
- Mayornan ta sigui reglanan di trafiko l seguridat di nos sentro di guia.
 - Falta ku e reglanan aki ta trese un multa ku ne.
 - Montante di multa ta den e tabel athunto.
- Nos sentro di guia despues di skol tin un telefòn ku e muchanan por usa! Esaki ta nifiká ku NIUN mucha no mag di hasi Yamada via nan telefon privá.
 - Muchanan ku falta ku e regla aki lo risibí 3 dia di suspenshon.
 - Nos lo kita tur telefon ku keda usá sin pèrmit durante ora di aktividat l lo duna esaki despues di un siman na un mayor.



Tabla di multa I di prèis:

Deskripshon:	Montante: (XCG)
Multa pa pago despues di tempu	15.00 (15 Min)
Multa pa falta ku regla di seguridat I trafiko	25.00 (pa infrakshon)
Multa pa pago despues ku faktura vense	50.00 (pa kada dos siman)
Montante di Seguro adishonal.	6.00 (pa luna)
Montante di inskripshon	30.00

Kiko e muchanan mester?

Pa e yu por kuminsa serka nos, e mester tin e siguiente kosnan.

Kantidat	Deskripshon	Spesifiko:	Unda?
1	Tayó di plèstik pa kome aden		
1	Beker di plèstik		
1	Kuchara		
1	Fòrki		
2	Blusa di üniform di opvang	Koló di eskoho	Serka nos mes
2	Karson di üniform di opvang	Modelo di eskoho	Serka nos mes
2	Map di plèstik	Kolo Hel + Kolo Kòrà	
1	Etui ku material di skirbi aden	Grupo B+C+D: Pèn, Potlod, Gum, slèiper. Grupo A: Potlod + Gum+Slèiper	
1	Headphone / Earpeace	Ku waya I punta rondó.	



Maneho special:

Maneho den kaso di malesanan kontagioso:

Den kaso di malesanan kontagioso, nos lo tuma kontakto ku ministerio di GMN pa prosedura. Esaki huntu ku proseduranan interno di limpiesa i karentena. Den kaso ku nos konstatá ku tin mucha ku un malesa o virus kontagioso, nos lo informa tur mayor di esaki i kuminsa ku prosedura interno di karentena. Mayornan lo keda informá si tin kualke medida adishonal ku nos lo mester tuma.

Maneho di guia di tarea:

Durante di guia di tarea (djaluna pa djaweps 14:00 – 16:00), nos ta duna e muchanan espasio pa traha riba nan tareanan di kas.

- Mayornan ta keda responsabel pa firma agenda i huiswerk di e mucha.
- Nos no ta traha spreekbeurt pa e mucha. E mucha por traha riba dje i siñ'e segun e espasio ku a ked'e den e orario ariba menshoná.
- Nos no ta traha relato di buki.
- Nos ta kontrolá tarea i duna splikashon maksimal 3x. Despues di esaki e tarea lo bai kas ku e fout aden pa e maestro di skol por mira esaki.
- Si e yu no termina su tarea, mayor lo risibi un mensahe via di Clasdojo i of via di e notifikashon (hard copy).
- Muchanan ku no tin tarea, lo mester bini ku nan agenda. E lider di guia di tarea lo dun'e tarea extra pa e traha.
- Nos no ta duna EKSTRA LES! Pues ta e tareanan di skol ku e yu bini ku n'e, esei nos ta focus riba dje.
- Despues di 4or, nos NO ta traha nada mas ku tin di aber ku huiswerk o lesnan di skol.



Maneho di kaso di kalamidat (Tormenta, Kalor ekstremo, Black out i kandela):

Kandela:

Adventure Kids Afterschool Club tin un protokòl pa den kaso di kandela. Nos lidernan ku frekuensia ta train i update e informashon di e muchanan den nos mapnan i sistemanan digital, pa asina den kaso ku tin un kandela, nos por tuma kontakto ku mayornan pa buska e muchanan ora nos lo mester hasi esaki.

Durante di aña nos tin varios momentu ku nos lo bai train nos proseduranan pa den kaso di kandela. Esakinan lo ta momentunan di sorpresa pa e muchanan i pa e lidernan.

Tormenta:

Den kaso ku nos risibi notifikashon di METEO di Kòrsou ku tin menasa di tormenta, nos lo inisiá e proseso pa evakuá nos sentro di guia. Esaki ta enserá ku:

- Mayornan ta risibí mensahe via di Class Dojo pa buska e muchanan for di sentro mas pronto ku ta possible.
- Mayornan lo risibí Yamada telefoniko dor di lidernan pa buska e muchanan mas pronto ku ta possible.
- Lidernan lo rekohé tur material ku tin den kurá. Materialnan ku no por bai den klas o keda desmantelá, lo keda mará.
- Bentana i portanan mester keda tapá.
- Lidernan ta bandoná sentro despues ku tur kos ariba menshoná keda hasí i ku tur mucha bai.

Kalor ekstremo:

Durante di period di calor, Adventure Kids lo sòru pa:

- Muchanan tin suficiente awa friu pa bebe.
- Aktividatnan keda hasí den orario adaptá.
 - o Dependiendo di maneho di skolnan, nos lo kuminsa mas tempran i kaba mas tempran.
 - o Skema di dia ta bira unu adaptá pa e muchanan. Prioridat ta bai na terminá tareanan di skol.



Black out:

Durante di un Black out, nos lo konsidera diferente aspekto promé ku tuma un desishon fiho di loke ta bai pasa ku e muchanan.

Ta konsiderá:

- Kon e temperature general di e sentro ta riba e dia di e black out aki?
- Kon seif lo ta pa e muchanan ta na e sentro riba e dia di e black out aki?
- E kuminda lo por keda entregá i keintá pa e muchanan?

Si esakinan no ta faborabel, nos lo mester laga e muchanan keda kas!

Den kaso ku esaki sosode mientras e muchanan tei kaba na sentro, nos lo evaluá e promé dos puntanan I tuma un desishon pa sea laga e muchanan keda o manda nan kas.

- Mayornan lo risibi mensahe via Class dojo I tambe Yamada di lidernan.

Maneho di tarifa special:

Mayornan ku tin un situashon finansiero difisil, por apliká pa un akuerdo di tarifa special. Esaki semper bai lo tin algun kondishon basiko mará na djé i e proseso di aplikashon mester kana segun regla pa asina e mayor por haña e tarifa special.

Pa informashon relashoná ku esaki, mester tuma kontakto ku maneho di afterschool.



Palabra Final!

Kerdio mayor o kuidadó,

Nos ta spera di a informá bo suficiente riba tur loke ta e kosnan di mas importante pa ku nos sentro di guia despues di skol!

Nos ta hopi kontentu ku bo a skohe o djis konsiderá pa laga nos yuda bo kuida i guia e kos di mas balioso ku boso por tin den boso bida; BOSO YU!

Si akaso bo tin duda o tin mester di kualke informashon ku no ta pará den e buki di informashon aki, bo por tuma kontakto libremente ku nos via di e puntonan abou:

Email: mail.afterschool@adventurekidscuracao.org

Website: www.adventurekidscuracao.org

Tel / whatsapp: +5999 5131021

Masha danki i te despues!

Maneho, i team di Adventure Kids Afterschool Club.

Huntu ku:

Direktiva di Adventure Kids Curacao Foundation.



ADVENTURE KIDS AFTERSCHOOL CLUB
Enriching After-School Care for Every Child!

Buki di informashon pa mayornan
Afterschool by Adventure Kids Curacao Foundation
Vershon 2025

Adventure Kids Afterschool Club is

POWERED BY:

